

人縱亦擒海內鼎分孤鵲遁隆中雲臥一龍吟鞠躬死後猶餘
恨翠柏黃鸝自古今

武侯祠

朱熹

空山臥龍處蒼峭神所鑿下有寒潭幽上有明河落我來愛佳
名小築倚幽壑永念千載人丹青豈今昨英姿儼繪事凜若九
原作寒藻薦芳馨飛泉奉明酌公來識此意顧步慘不樂抱膝
一長吟神交付冥漠

拜武侯祠

有序

唐莊王

孔明佐昭烈復漢室開誠心布公道可以爲萬世相天
下者之法矣綱常之道賴以不泯後之君子因是而正

道藏輯要

忠武侯集

辛

星集四

誼明道以扶世立教當百世祀之可也今城西臥龍岡
爲侯發迹之地建祠肖貌血食有年暇日往謁祠下訝
其棟宇傾圯心欲新之旣而遂形於夢寐感悟之餘乃
命工重加修葺告成之日敬潔醴牲奠焉因贅一律時
正德丙寅秋吉也

曉來床下拜遺風新宇輝煌禮合崇光嶽有靈頻我夢山河無
語肅神宮桂漿鳴鼓喧瑤席甲馬屯雲駐碧空願得清陽私舊
澤常教禾黍報年豐

謁武侯祠

唐藩三城
康穆王

古柏年深翠色屯龍岡迢遞接荆門魏吳未滅屋先隕天地昭